

西  
江  
詩  
話

西江詩話 卷七

香坡裘君弘任遠輯

吳伯宗

名拓以字行金谿人洪武首科進士第一在翰林  
御製十題命賦詩揮毫立就詞旨峻潔太祖呼爲  
才子著有南宮使交成均玉堂等集

劉崧

字子高泰和人先名楚號槎翁七歲賦雞聲詩有  
喚醒人間蝴蝶夢起看天上火龍飛之句見者驚

異洪武中累官吏部尚書

七言古云草堂高人好竒古手卷畫圖長尺五云  
是簡君之所爲歷歷西山與南浦鴈原鶴嶺紛孱  
顏春水亂入螺螄灣章江楊柳綠如霧滕閣正在  
蒼茫間冥冥官舫北來遠風力漸紓帆漸捲天低  
白浪驛亭孤雲捩黃牛舵樓轉城中酒樓喧管絃  
歌女能舞花如烟菰蒲落日鳧鴈晚風浪杳渺嗟  
何年反思往時寇圍急列艦旌旗半江赤官軍血  
戰龍沙屯東北人家半荆棘爲君指點尋舊蹤我

思簡君安得同高堂酌酒歲云暮如見積雪明東

峯只今風塵尚蒙翳對此酣歌一歔歛豐城龍劍

今有無亦欲看雲望奇氣

題胡典史所藏簡天碧西山南浦圖

五言

近體云翠巘千峯合丹崖一逕通樓臺上雲氣草

木動天風野曠行人外江平落鴈中傷心俯城郭

烟雨正冥濛

玉華山

七言近體云紫霞樓上左仙翁

還在南塘在玉隆虛闕飛鳧雲影外亂山騎虎月

明中銅駝荆棘秋風落鐵柱波濤海氣通別後玉

簫渾少聽令人長憶萬年宮

寄鐵柱觀左煉師

一洞深連

三十里兩崖高聳百千峯溪流交路爭穿草日色

窺林半隱松野碓春泉秋雨急土窑煉石晚烟濃

雲深不記平畚路月落時聞資福鐘

題浪川洞

七言絕

云江雨溟溟落遠帆驅車西上入煙巉青松殘雪

分明見指點行人問翠巖

入西山

山中春鳥夜相呼

岸上誰家酒可沽風雨滿船眠不得長歌乘月過

郎湖

郎湖

霧捲長塘天一鏡雨浮西嶂翠千堆

殊山寺

本傳云元末與邑人歐陽日新同舉明經進士好

爲詩豫章李敬萬石周澣楊士禮鄭士同並崧詩  
友折膠流金歌咏不廢則敬等五人具工詩可知  
矣今敬等詩旣不傳而五人者通志又軼其姓名  
竟不知爲誰何之人也志乘闕畧可勝歎哉新志  
選舉表內載李敬洪武庚辰胡廣榜進士疑卽此  
人然敬各下注官國子博士而崧傳載敬仕至尚  
書又不相同宜以崧傳所載爲正通志舉人表元  
丙申科有劉楚卽崧又歐陽銘疑卽日新其爵里  
出處皆不詳至石澣士禮士同則其姓名亦亡矣  
余此編及敬恭錄補正通志漏誤處頗多之六君  
子者俟再搜考當  
于詩話續編補入

陸植

字伯昂臨川人洪武明經壽九十有詩集

劉永之

字仲脩清江人刻意學問兼工詩與郡人楊伯謙彭聲梁孟敬講論性學明初應召編禮書自號山陰道人

題劉宗海清江碧幃圖云劉君早年善山水得意  
往往圖樵漁西昌城西一相見忽然贈我雙畫圖  
圖中似是清江曲春雨蒼茫汀樹綠塵中彷彿辨  
飛帆水際依微見茅屋漁郎繫船江百上一夜磯

頭水新長孤村日暮烟火微渡口歸人暝猶往碧  
嶂層巒翠轉竒嵐光秀色含朝暉楓林落葉洒青  
壁雲壑流泉生翠微我昔結廬此山裏每愛秋嵐  
淨如洗經年奔走厭風塵偶看新圖心獨喜憑君  
添我小綸巾明當歸掃山中雲他日君來一相訪  
松根爲子開柴門

吳溥

聘君康齋父也洪武庚辰會元官國子司業康齋  
孫氏譜序云令祖清所翁先友也先子寄詩有藕



花溪畔竹林幽步屨西風記昔遊之句

著有古崖集

鄧伯言

新淦人洪武初以宋潛溪薦名至京應制賦鍾山  
曉寒詩有鰲足立四極鍾山蟠一龍之句稱旨授  
翰林不受乞老歸

劉伯川

泰和劉伯川家富輕財年四十有田百頃悉散予  
宗黨親舊屏去臧獲獨與妻處僅徹廬數楹旦暮  
饘粥而已平居不與俗士接雅善觀人楊文貞公

象勺時。與陳孟潔謁伯川。二子皆其故人。留款特厚。一日雪霽。酒酣。命各賦詩言志。孟潔賦云。十年勤苦事雞窓。有志青雲白玉堂。會待春風楊柳陌。紅樓爭看綠衣郎。文貞賦卽景一絕云。飛雪初停酒未消。溪山深處踏瓊瑤。不嫌寒氣侵人骨。貪看梅花過野橋。伯川顧孟潔笑曰。十年勤苦。只博紅樓一看耶。又曰。不失一風流進士也。顧文貞曰。寒士寒士。鼎鼐器也。又曰。人有不爲也。而後可以有爲。子其勉之。惜予不及見耳。後孟潔果登進士。選

庶常卒。而文貞官至少師。具如伯川言。

朱善

字備萬。豐城人。官文淵閣大學士。嘗從遊內苑。賦  
甘露詩。太祖親折松枝甘露賜之。一時郊廟樂章  
多出其手。謚文恪。

蓮池垂釣一絕云。露冷風清池水秋。蓮衣落盡藕  
絲柔。誰人正把任公釣。有客方眠太乙舟。

胡季安

南昌人。明初官翰林編脩。會郊霽獻詩曰。雲開錦

帳天顏喜雨浥芳塵聖澤饒太祖稱善擢國子祭  
酒嘗奏定科舉程度詔頒行之

朱弘祖

字彥昌臨川人善詩歌洪武初以明經舉授官不  
赴有東臯舒嘯集弟復心亦工詩有敬所集

朱智

字存禮鄱陽人博學多才工古文詩律官王府紀  
善以老乞歸楊東里贈詩云卿才卓犖不可羈雄  
詞健筆皆如飛

黃子澄

公少從清江梁寅受春秋。初見寅令賦枯梅詩。卽成一絕曰。百千歲樹未爲枯。三五箇花何太疎。聞道石門春意動。不知曾有暗香無。寅竒之。

靖難兵起。子澄薦李景隆爲將。旣昏懦。戰敗棄師遁。請急誅以厲將士。建文帝不聽。未幾江淮諸將連敗。子澄拊膺慟哭曰。誤薦景隆。萬死不足贖也。賦詩云。仗鉞嘗登大將壇。貂裘遠賜朔方寒。出師無律真兒戲。負國全身汝獨安。論將不時悲趙括。

攘荆何日見齊桓。尚方有劍憑誰借。哭向蒼天幾  
墮冠。

公初名湜。以字行。分宜人。洪武乙丑會元。廷對第  
三。首殉建文之難。一子走易。姓名曰田經。家湖廣  
咸寧。久久復姓。正德進士。黃表其後也。

練子寧

玉笥山歌云。我所思兮。玉山之岩。堯燦芙蓉兮。凌  
清香。謫仙一去已千載。至今誰續廬山謠。熊侯家  
任劍江。側慣掃秋山之黛色。聞予此興爲寫之。仿

拂梅仙舊時宅。梅仙兮何在。邈清風兮滄海。蹇蹇猶兮孤舟。弔遺迹兮千載。舟中所載非凡流。差故人兮李與周。按玉笙兮明月下。黃鵠兮清秋。洞天兮石扇。蘆鴈兮路轉。橫余劍兮視八荒。訪蓬萊兮幾清淺。張侯兮昂藏。驂白雲兮青霓裳。窺玉梁之寶笈。醉石髓之瓊漿。千巖萬轉路莫測。酒酣一笑三山窄。待得君王賜鑑湖。錦袍重訪山中客。歌止此愚嘗論先生此篇。堪與青蓮歐陽廬山二歌鼎峙。千古稱爲三絕。誰謂後人必不及古人耶。擬騷若

此真楚詞中翹楚也。

百華寺云。閒抱瑤琴訪百華。上人還與論三車。能分香積厨中飯。慣煮孤山雨後茶。洗墨池荒秋草合。讀書臺古夕陽斜。壁間正好題詩句。留取他年護絳紗。

公名安。以字行。洪武乙丑廷試第二。八。歷官副都御史。殉建文之難。遺文散落。弘治間。王郡丞佐輯。得數百篇。李提學夢陽刻之。題曰金川玉屑集。公爲新淦人。金川。淦水名也。



范敬先

洪武間監察御史。嘗指陳時政。言詞過戇。太祖怒。命磔諸市。已披兩乳。敬先曰。且止。吾將有獻。索筆爲詩謝上。有聖主磨礪梁棟材之句。詩進。特釋之。敬先字思祖。新建人。

黃 榘

字體方。新淦人。洪武中稱十才子。讀詩數萬篇。摘其渾然天成者于百中。得一二錄爲一帙。而附以已作命曰詩海珊瑚。其自製五言如風月雙清夜。

乾坤萬里秋句 移舟秋水渡載酒夕陽亭句 磐石

中流坐青山夾岸看句 七言如野田青處麥千頃

楊柳綠邊人幾家句 山頭一夕風雨過門外雙溪

春水生句 行看野岸數楊柳驚起沙頭雙駕鷺句

杏花雨中頻過我椿樹屋下細論文句 皆有丰致

可誦惜其集不傳

陸象山先生墓云西風匹馬駐郵亭茅屋雞鳴尚  
未醒野寺秋聲三徑竹石橋雲氣一潭星寒欺短  
褐霜華白水落平田野蔓青師友家傳今寂寞欲

移文字問山靈

劉 蓋

字廸誠萬載人永樂進士授給事中以論事忤旨  
謫通州判官尋復之言愈切直周文襄公贈詩云  
官仍七品恩波重身歷三朝姓字香

劉 紹

字子獻新城人年十二應童子試鄉先達屬賦歲  
寒三友詩援筆吟曰君子虛心問大夫梅花何事  
不稱呼梅花細答松和竹識得調羹手也無諸老

歎異洪武中應奉翰林與宋潛溪徐用之諸公爲  
友歸家自治丘隴題曰詩人劉紹墓

鄧 棨

字孟擴南城人永樂進士官御史嘗遊麻姑山賦  
詩云風磴雲泉百折遙幾回登覽上青霄傍崖飛  
瀑千尋練着樹殘霞一抹綃仙犬花間空吠月遊  
人松下醉聽潮平生肝膽渾如鐵盡節惟思報聖  
朝後以陝西按察使死土木之難蓋不負其素志

云

劉季道

洪武間駕幸中都賦詩清流關命侍臣和季道援筆立就有云治定不教生縱逸功成猶遣歷間關太祖歎賞曰此詩有安不忘危之意賜白金文綺季道吉水人嘗侍東宮閱書東官方視太真畫像卽手裂之其剛正類如此

涂幾

字守約撫州人博學能文尤工詩騷洪武間與宜黃鄒矩齊名世稱鄒涂幾有擬峴臺詩云路仄埋

花草城高接薜蘿月生滄海濶雲傍石樓多薄暮  
聞金磬乘閒散玉珂雄州餘勝槩回首重來過矩  
字元方有麻姑山玳瑁石詩云仙人爲玳瑁化作  
山中石五色成文章兀坐可容席矯首雲間鳧飛  
來墮雙鳧

胡 閏

字松友鄱陽人嘗題吳文王祠壁墨松曰幽人無  
俗懷寫此蒼龍骨九天風雨來飛騰作靈物太祖  
下饒州幸廟見之稱賞洪武四年郡舉秀才太祖

一見曰是題詩鄱陽廟者授督府都事後死建文之難祀大忠祠

張里

字示仁德興人明初平偽齊董戰艦叙功當遷以母老辭著有東山集嘗題寺壁云四山環抱遠一逕入雲深老樹斜穿石頽垣半礙林虛空知佛性清淨了凡心回首天霞外疎鐘起暮音

蕭鵬舉

名翀泰和人洪武中以賢良應制賦指佞草詩稱

旨歷官山東副使

解縉

永樂間高煦潛謀奪嫡東宮恩意浸衰解學士一日承旨題猛虎顧子圖云虎爲百獸尊誰敢觸其怒惟有父子恩一步一回顧蓋以諷諫成祖爲之默然儲位遂安

縉既謫河州過華山題詩云謫官西來登華嶽黃河東去一秋毫可憐閒卻擎天手萬古雲霄日月高建文帝聞之名還



過彭澤云青山圍一縣隱隱見人家亂石江邊出  
孤帆帶日斜翠添官舍柳香泛驛樓花不見陶彭  
澤湓城起暮鴉

望廬山云每依南斗弄潺湲太白雲巢似可攀浮  
水一星天上下步虛五老鏡中間自從三代稱全  
楚看到中原無此山莫道彭湖無勝事龍舟曾奏  
凱歌還

髻年過庭聞解春雨壽太宰詞云祝壽不祝松與  
栢松栢老來無顏色祝壽不祝龜與鶴龜鶴老來

變爲鵲祝壽只祝天邊月夜夜清光長皎潔每至  
五更天欲明引領衆星朝北闕吏部六卿之首亦  
善頌矣

出燕居  
筆記

世傳解學士題長亭四柳圖送薛尚書致仕云東  
邊一株楊柳樹南邊一株楊柳樹北邊一株楊柳  
樹縱有柳絲千萬條也縮不得征鞍住南山叫鷓  
鴒北山叫杜宇一箇叫行不得哥哥一箇叫不如  
歸去此詞前粗後細殊爲有味

出同上

題百子圖云天無一日備四時人無一母生百兒

何人筆端奪造化天時人事俱備知三三兩兩如  
魚隊日長遊戲欄杆外攀花折柳爭後先採菊東  
籬相向背昨觀此圖三撫几多憂只爲多男子生  
子當如孫仲謀人生一夔亦足矣

題竹木寒鴉圖云古木撐空掛雲影竹敲碎玉霜  
風冷寒鳥點點亂斜陽愛煞君家畫中景木老如  
太公竹老如伯夷鳥能反哺若曾子迺是人間三  
絕竒噫萬物要當關世教此圖意趣兼忠孝侯門  
孔鵠牡丹花抹翠塗紅真可笑

學士集中頌凡數十首渾灑昌博各體具備今偶  
錄其河清頌云聖道成聖世平銀漢明黃河之流  
至龍門迸落九土千丈渾唯勛華暨太祖三千年  
德施溥榮光窳河河獻圖五色照映冰玉壺昔洪  
武今永樂襲休祥頌聲作河水經天橫地洛騰氤  
氲下續續旁囿困滌云云海市青紅艷采雲織塵  
靜夾鏡空露沙石海亟通離婁下見馮彝宮三旬  
二日古莫同聖德至與天地比天地儲祥不敢秘  
瑞應神明萬萬世

蕭伯玉云楊文貞評解春雨書行草亦佳小楷精絕余家正固先生傳是其楷書精妙絕倫他如與先長史往來手札雖復奇逸不失程度楊升菴乃詆爲鎮宅之符蓋但知市肆所蓄弄筆纏繞未曾一見其碧落本耳論次古人不可不慎春雨楷書余亦未見

東里伯玉皆其鄉人東里尤同時聞見既真論次必確余故拈出以告世之品解字者

胡廣

廬山云廬阜高寒插劍鏃晚晴遙望入蒼蒼千尋華蓋從天下九疊屏風帶雪張影落半湖青黛小

秀分南紀白雲長他年五老能招隱便結松巢跨  
石梁

字光大吉水人永樂初拜大學士謚文穆

金幼孜

石屋晴瀾云危石峩峩聳翠巒粼粼晴影颺層瀾  
四時雲氣當牕近五月灘聲入座寒日照錦文浮  
畫舫風含素練動漁竿卻懷太液恩波濶曾從鑾  
輿倚檻看

初名善以字行峽江人永樂中入內閣洪宣間進

禮部尚書大學士贈少保謚文靖

吳與弼

康齋聘君詩多味道之言絕類宋儒所作于風雅

壇中又是一格如身心須點檢事業莫蹉跎句囊

裏有書供月眼尊前無酒醉春顏句誰憐白日難

停馭自覺秋霜易到頭句月到芭蕉影半斜好天

良夜興無涯金風聲滿千竿月玉露光生一砌花

感水自幽偏山自深竹窓花牖晝沉沉逢人若問

浮生事半是閒眠半是吟山中事靈臺清曉玉無瑕

獨立東風翫物華  
春氣夜來深幾許  
小桃又發兩

三花

曉立

賢聖微言玩愈精  
夜分無寐獨惺惺  
十年

醉夢迷南北  
一點寒山雪後青

枕上絕句

梅花滿眼感

懷新正月俄驚十日春  
花落更開開更落  
小窓忙

殺讀書人

觀梅

晴色微開遠近山  
倚篷閒看鳥回還

數聲柔櫓蒼茫外  
又載吾伊過別灣

舟中小立

獨憑吟

几坐清朝閒看行雲面  
碧霄忽憶故人秋  
寺裏西

風琪樹雨蕭蕭

東陳進士

曉夢初驚覺春鳥已亂鳴  
北

風半夜雨東旭  
一窓晴道在心偏  
逸詩成氣轉清



行藏信隨遇庶以達吾生曉花縣東南里巷深高

軒清樂屬瑤琴綠陰簾幙閒中世明月階除靜裏

心松韻正幽孤鶴唳海濤初定老龍吟山中亦有

無絃趣茅屋何時有一尋題琴樂軒都有弄月吟風傍

花垂柳之致想見其襟懷無一點渣滓也

細按先生集中少壯詩惕厲意多後來詩卻活潑  
意多想見由勉而安氣象言者心之聲信哉

先生詩雖帶道學卻無一種酸腐氣如晴松張翠

蓋秋果熟丹砂句天連蒼野潤樹帶小村斜句涼

夜一尊酒清秋半壁燈

句

工穩直逼老杜又如遠

乘今日興細話舊時情

句

入院先看竹逢僧不說

經白雲方丈室清晝一孤燈積雨勻秋色殘陽報

晚晴

房 奠公

青燈近人早明月上窻遲

句

曲徑綠林

轉深溝帶葉流

句

行行減客路望望近家山

句

晴

靄山何處寒烟屋數家

句

南畝秋風多熟黍東園

夜雨經肥瓜

句

千畝秋霜君子操萬竿春雨化工

心

句

圓轉流動最能參箇中活法其風度又詎減

誠齋放翁也愚嘗謂明朝二百七十年道學先生

詩惟白沙可步趨康齋諸公則瞠乎後矣

卽事云吟斷難成調塵編重繹尋興亡今古事精  
一聖賢心新月何時滯寒蛩無數吟夜深雙過鳥  
猶自戀高林細玩詩中結語寄託遙深殊有宅仁  
而居置身干俛之意作詩時自註永樂庚寅年十  
九先生貴公子也爾時見地便高如此大儒之興  
豈偶然哉

送饒提舉之官廣東全首蒼老余尤愛其親闈春  
廣大宦路日舒長一聯以爲有家國太和氣象嘗

書爲堂帖懸雙棟間興娛重慶且以祝二三昆季也全詩云奉節承深寵之官過舊鄉親闈春廣大宦路日舒長嶺樹連雲合江流過雨涼倚門應有望鴈信好頻將

宿漸嶺

在進賢縣

絕句漠漠暮林橫綠野澄澄秋水映

紅雲遠來客舸依沙岸獨犬一聲何處村自跋云此辛丑歲歸自武昌詩也閱稿見之因感此景何處無之然必心中無事乃能見也

楊士奇

何喬遠文苑記序云士奇臺閣之體當世所推良以朝廷之上但取敷通亦由揆端之務未遑該洽相沿百餘年有依經之儒而無擅場之作似譏其稍涉淺顯也然以語文貞公制誥文字或則有然若其詩清真麗則悠然而有餘思逼真唐人氣格殊非苟學所能到者較之李西涯似爲過之當有知音味余此言

題永豐龍潭書屋云開軒面澄潭潭水綠于染其下蟠蛟虬四時興有滄嘉樹羅蔥菁烟霞互舒斂

晴漪漾春牖涼颺含暑簟俗轍謝經過書卷恒不  
掩探微心有得行素道無歉逍遙視天宇油雲馳  
冉冉庶歧沂上樂誰當歎與點

滕閣送別云章江西來繞洪州滕王高閣臨江流  
滕王去後無千歲高閣人間幾興廢昔聞貞觀全  
盛時大廷金冊封宗支時平還出領旌節富貴非  
常驕逸滋正對西山俯南浦雕闌朱檻參差起玳  
筵鳳管雜龍笙白晝歡聲彩雲裏留連晚日下簾  
鉤別有漁歌聞上頭回眸共盼滄州際杏彩蘭嬌

擁蛾翠只言歡樂殊未央城頭一夜飛秋霜三春  
榮盛逐流水佩玉鳴鑿俱渺茫年深代易無此閣  
好事何人爲重作絕世流傳蛟蝶圖東風粉色皆  
銷落只今閣空臺亦平瀕江但有滕王亭松門薄  
暮掩脩竹數葉蕭蕭寒雨青當時棄德耽遊宴身  
後荒涼竟誰歎一種南昌孺子亭行人下馬思東  
漢君行幾日過江津弔覽應知作賦新文章自昔  
三王盛還見今人繼昔人

三楊同在館閣一日會席賦詩以松竹梅爲題東

楊南楊題畢各署賜進士某西楊恠之應賦梅詩  
乃奮筆書曰竹君子松大夫老夫何獨無稱呼回  
頭試問松和竹也識調羹手段無二楊笑謝之

按公在政府以已不由科目每接進士倍相敬  
愛禮遇有加則爾時館閣聯吟偶然題署似更  
不存此形迹梅花之咏竊恐小說家僞託公名  
或好事傳訛皆未可知也附識于此以俟高雅  
君子詳焉

羅汝敬



名肅以字行吉水人永樂二年進士與二十八人  
同選庶常歷官工部侍郎以忠鯁著長于詩

雲錦峯七古云廬山東南雲錦屏裂雲裂錦羅紫  
青水簾捲秋天漠漠春色入樹花冥冥屏陰處處  
青山小古剝微鐘自昏曉一鏡平湖凝黛螺萬里  
長天度飛鳥故人舊隱斗南家玉堂十載思烟霞  
何時乞得南歸詔醉卧屏前掃落花

杏林云董仙學仙種杏花杏樹成林董仙去錦霞  
彈地五更風土顛垂空半秋雨藥爐丹竈封綠苔

虎卧林間呼不來空山何處尋行跡東風惟見杏  
花開蹇予亦有尋真意書癖年來苦顛悴明當借  
取麻姑鵬相從一問長生秘

周振

德興人永樂進士官廣東僉事有陽居仙跡一詩  
云居山隱隱聳高峯中有安期拜木公古廟九仙  
遺雅像陽關千載寄行踪蒼松樹老巢鳴鶴清水  
池深隱卧龍一自羨門留跡後至今丹竈白雲封

胡儼

孺子亭云高士去已久清風不可攀惟畱數株柳  
長伴翠烟閒陰連芳草碧色映古苔斑塵榻無人  
掃鳧鷖自在還

綵鸞岡仙女吳綵鸞遇文簫處也在逍遙山左側  
胡祭酒有詩云相隨一徑入烟蘿隱隱雲中尚踏  
歌松暝漸看山色近桂寒偏恨月明多一時座上  
帷屏徹半夜巖前風雨過自是真仙形迹泯千年  
元契柰渠何

蘇圃云故人天上有深期一寸好心事每違嚮屢

何曾增市價灌畦長是息心機  
青青菜甲同誰摘  
白白湖魚亦自肥  
莫笑殘編塵滿架  
明朝又采別  
山薇

章江曉渡云江平新水濶  
月落澹烟橫沙上人初  
集渡頭天已明  
青山開霽色白鳥度  
春聲舟楫無  
風浪何妨自送迎

龍沙云龍堆截復還隱隱夕陽間  
落霞迷翠渚霽  
雪對春山津晚人爭渡  
林寒鳥獨還  
漁翁收網去  
幾個釣舟閒

世宗言言 李廿七 女真書  
公字若思南昌人洪武鄉薦永樂初晉侍讀與解  
大紳等七人同直內閣後以抗直遷國子祭酒

徐子權

峽江人洪武進士官刑部主事靖難兵起聞黃練  
殉義從容賦詩云翹首謝京國飛魂歸故鄉遂自

縊

李時勉

廬山云匡廬高起鬱嶙峋翠擁連峯倚斷雲天濶  
秋陰千里合風清林籟半空聞松巖過雨泉聲出

仙掌飛霞樹色分終古名山留勝槩幾回臨眺到  
斜隴

公名懋以字行安福人永樂進士歷官學士祭酒  
以直節著洪熙改元嘗因言事過懋仁宗震怒立  
命金瓜士廷撲之凡十七瓜而肋斷者三恍惚見  
朱衣人下庇得不死曳出斷肋忽合神色自如人  
以爲忠直之感景泰初卒謚文毅後改忠文

會 棨

五老峯云廬山高哉倚穹昊中有五老峯更好蒼

然屹立開闢初從此巉巖盡稱老憑誰削出金芙蓉  
黛光半落青天中東南諸山不可數環繞只與  
兒孫同我生幾度過湖曲五老容顏相見熟安得  
龐眉住此山偃仰峯頭號爲六彭蠡湖云西江衆  
流滙彭蠡一色瀾漫天接水雲消極浦鏡光平風  
捲雲濤雪山峙春流拍空灑渺茫氣吞七澤含三  
湘晴影遙連洞庭濶黛光倒浸廬山長我昔揚舠  
泛烟波貝闕鮫宮儼相向拾得驪龍頷下珠夜夜  
清光滿湖上二詩殊有邁往凌雲之槩仙才也

灌嬰城云章江南面有荒城千載猶傳漢將名狐  
宿斷垣春草合鴉啼古堞暮烟生風雲暗想精靈  
聚茅土長垂竹帛榮獨有離離霜後樹還如赤幟  
繞行營

仁宗在東宮嘗觀二內侍奕棋命曾子啟應制詩  
云兩軍對敵立雙營坐運神機決死生千里封疆  
馳鐵馬一川風浪動金兵虞姬歌舞悲垓下漢將  
旌旗逼楚城興盡計窮征戰罷松陰花影滿殘枰  
仁宗和云二國爭強各用兵擺開隊伍定輸贏馬



行曲路當先道將守深宮戒遠行乘險出車收敗  
卒隔河飛砲下金城等閒識得軍情事一着成功  
見太平

吉永豐人永樂甲申狀元每侍宴賦詩輒稱上旨  
累官少詹卒後有薦文士者成祖必問得如吾蔡  
否其眷念如此

蕭 暉

字仰善泰和人永樂進士天順間以雲南右轄報  
最擢禮部尚書蓋異數也著雪崖詩集篇什不多

而質直自然有肆好之風焉送鄧時舉赴潼川云  
一官新拜大明宮西望潼川在蜀中遠道莫嗟今  
日別芳樽且與故人同都門雨霽催征袂驛路花  
飛撲去驄到郡應知勞撫字好將離緒寄飛鴻

黃克

字紹烈臨川人洪武進士嘗撰禮經博約策場總  
龜以資學者所著詩文曰歸田類稿

黎慎

字克輝清江人童子時爲詩歌輒有奇語長從梁

寅遊博通羣籍落魄善吟有大家風味永樂初應  
明經名不受職歸嘗遊蒙山賦詩云飛峯起天中  
凌雲叠連鵲征驂駐其巔環眺八冥寔巖泉烟際  
瀉崖石空中削天風送黃鵠長飛向寥廓盤盤青  
天外原地何磅礴丈夫四方志天地安所托仗劍  
歌遠遊徒御總欣躍崑崙九千里烟霞正繡邈

劉髦

永新人文安公定之父也博學篤行魁鄉薦不仕  
耕稼石潭之上學者稱石潭先生有登東華一絕

三層巒華構鬱崔嵬隔水紅塵晝不來鐵笛一聲  
空外響月明疑是呂仙回

劉球

忠愍公有石屋一律云孤峯直上見遙川絕壁中  
分小洞天林麓有岐蒼蘚歿石扃無鎖白雲連泉  
甘如滴金莖露香暖應浮寶鴨烟獨與歸來彭澤  
令春風着屐共扳緣公字求樂安福人

揭稽

字孟哲廣昌人永樂進士歷兵部侍郎嘗奉勅渡

海有海神廟靈應官吏過者必祭稽至投以詩曰  
秉心玉潔與冰清黜陟貪廉佐聖明若載苞苴與  
土物任教沉入此滄溟

孫鼎

字宜鉉廬陵人永樂鄉貢官監察御史督學南畿  
土木之變亟詣闕疏請隨用効死道遇金尚書濂  
慷慨賦詩有句云萬里丹衷扶日月兩人清淚對  
山河

黎近

字之大臨川人宣德間應文學材行科官高要令  
時徭賊据城東南郡不能制近爲榜文諭降之被  
誣逮繫獄中上大明鏡歌鼓吹曲十二章太平頌  
幸太學頌二章英宗嘉歎命釋之召見復獻麒麟  
白象二頌英宗欲處以禁林爲忌者所阻改知郟  
陽著有未齋稿捧心集近百卷兄公輔字之及善  
屬文有醉墨窩集書巢言百餘卷

劉翔

號虛谷清江人宣德鄉舉歷國子學錄景泰初上

中興詩及神禹成功洪範九疇二雅請立宗廟準古七廟制下部議不果進檢討英憲二朝再疏宜建七廟各具樂章郊祀視學慶成皆當作雅樂且曰禮樂百年後與茲其時矣英宗召至文淵閣特命與大學士李賢商議事竟寢惜哉

崔琬

字文美新建人父彥俊永樂進士官徽州守琬性至孝母病請禱願以身代俄有石碁子墮案上視之士字也後果益筭十一年而終蓋至誠感神云

著有悟真詩百餘首

黃半閒

清江人逃禪慧力寺洪武初名至京賦金陵春曉  
詩稱旨賜紫金欄袈裟歸詩云五雲深護鳳凰城  
海寓清寧旦夕平錦繡山河霞彩動金銀宮闕日  
華明御溝垂柳雙鶯囀官道飛花萬馬鳴試向西  
虹橋上望分明遐思接蓬瀛

聶大年

字壽卿臨川人一目重瞳工書得李北海筆法尤



善爲詩官仁和教諭葉文莊

盛

見其詩歎曰三十

年來絕唱也景泰間徵詣翰林俄以疾告竟不起  
詩文散佚弘治初錢塘施昂爲輯而刻于懷安官  
舍題曰東軒集

吏部尚書王直大年故交也大年旣卧病逆旅自  
度不起投詩于直曰鏡中白髮難饒我湖上青山  
欲待誰千里故人分橐少百年公論蓋棺遲直得  
之泣下曰壽卿欲吾銘其墓耳

直嘗以詩寄錢塘戴文進索畫且自序云昔與文

進交時戲作一聯至是十年而始成之大年題其  
後曰公愛文進之畫十年而不忘也使以是心待  
天下賢士寧復有遺才哉直方爲冢宰聞而謝焉  
兩公古道已見于此

吳觀

南昌人明初官工部郎中有望湖亭一律云湖上  
溟溟雨正收天涯風物此亭幽簷垂夕照徧平野  
帆掛西風下急流樹色紅含遷客醉鴈聲清落九  
江秋關山南北俱戎馬擬向烟波泛釣舟

元時又有一吳

觀字濱夫江州人至元間知分寧縣有惠民塑像祀之歷朝請大夫知衡州今望湖亭集載觀詩一首未詳朝代然玩關山戎馬一語似乎其爲元之吳觀也未知孰是姑兩存之

丁機

豐城人永樂進士官工部主事題長廊巖云今日春山裡山光飛滿衣無梅不索笑有鳥只催歸風月情懷在乾坤事業非荒涼三徑遠何處送斜暉可想見此公懷抱其在正統初年王振用事之時乎

高明

字上達貴溪人正統間官右都御史以直諫聞著  
有愚軒糊壁南臺籌亭諸集題靈山詩云靈鷲山  
爲吾郡鎮岩岩氣象太華伴上支天柱七十二下  
孕水晶千百秋地接東吳控荆楚星分南北介牽  
牛時當亢旱吞雲霧大作甘霖遍九州

江南六十九花封廉吏惟聞陳永豐

贈永豐  
令陳裕

### 何文淵

遊從姑云岸濶人家遠天高樹影低龍藏通海井  
鴈落釣魚磯石徑蒼苔滑春園紫蕨肥欲知方外

事此處問禪機

遊麻姑云麻姑仙跡莫茲山明月清風任往還綠  
壑瓊花遺玉珮碧沙瑤草長雲鬢潛龍古洞泉聲  
細舞鶴空壇樹影斑誰謂弱流三萬里蓬萊原只  
在人間

永興寺云西北峯巒擁翠來梵王寶殿此中開袞  
裘影落千年樹薜荔香涵小澗梅鐘鼓夜深龍聽  
法階除晝永鶴眠苔遡流古佛真竒事天顯慈靈  
淨土隈

字巨川廣昌人永樂進士官吏部尚書著有東園集

敖英

字子發清江人盛有詩名時稱敖清江由正德進士歷官四川右轄自號東谷著有雜言及綠雪亭心遠堂等集

湯熙

字光烈新建人宣德間以吏員從征西將軍幕遂舉山西鄉試授海豐諭正統乙巳起兵勤王儒官

督師赴國難自來所未有也既至京上禦戎十二  
策石亨知其才奏留贊畫每勸亨解符謝事亨不  
能用然熙竟不及于禍比歸南陽李相國題畫竹  
贈之曰一箇琅玕直似弦送君歸釣楚江烟風前  
雨後孤舟上誰道蓬壺更有仙高安朱孔彰者讀  
書嗜古不求聞達喜遊江湖間所至多吟咏熙嘗  
題其繁蕪集云一千里外無吟客五百年前有謫  
仙熙著燕石稿

劉定之

天順間吏部一司官凡值脩刺通謁書名字畫過  
大劉文安公戲書其後曰諸葛大名垂宇宙君今  
名大欲如何縱于事體全無礙只恐臨池費墨多  
聞者傳以爲笑

### 李大章

吳康齋應聘北行友人李大章以詩送之曰百年  
苦節丘園士千載清風宇宙間去歲徵書來白屋  
何時行李出青山蓋不欲其仕也以故康齋辭歸  
甚力亦有感于大章之意云大章號定菴臨川人



嗜古潛脩不求聞達與康齋敬齋齊名

李榕

字全年鄱陽人罷同安教諭歸構樓宅後俯瞰東湖額曰玩鷗自題柱云近湖不與鷗爭水到岸方知我有家讀書賦詩至老不倦壽九十四

偶過浮洲寺留題兼懷芝峯云不到招提久逢僧話舊遊殘燈留古殿往事等虛舟沿壁藤花淨穿林鳥語幽芝峯憐咫尺何日擬登樓

裘翺

字鳳翔號雙溪不肖君弘六世祖也爲諸生再試  
不利遂絕意進取力學篤行動以古人爲師雅善  
陳白沙獻章白沙嘗中秋過訪對月賦詩曰月出  
河山萬里秋分明畫裡見南州西山不盡登臨興  
又上裘家百尺樓公和曰萬川清影浸玻璃秋滿  
乾坤景更奇自性卻如今夜月人人不受半分虧  
白沙首肯曰信然信然及卒舒文節公芬誌其墓

鄒準

字一平號雪肩新建人幼穎異四歲父魯奇命對

鷲毛雪應聲曰羊角風九歲方岳宴滕閣卽景得  
句黃鳥呼風當戶立衆莫能續聞準神童名焉準  
援筆云黑龍拖雨過江來四座驚異一日戲扳楊  
枝或扣之曰在此閒吟耳遂口占云扳條折楊柳  
欲折忍着手柳上有黃鸝殷勤勸求友十歲補諸  
生試輒剋軍成化丙午舉于鄉庚戌公車卒京邸  
年纔三十有二生平好爲詩惜皆散佚其江城春  
景云城南城北覓春光短袖輕衫逸興長燕啄柳  
花低拂水蟻拖松粉過行墻雨來磨洗舊山色風

去吹噓新草香回首白雲最高處寥天鐘鼓送斜  
陽九日云倚杖西風萬戶涼客牕尊酒對重陽望  
迷紅樹心先醉吟入黃花詩更香半壑秋聲鯨吼  
雨一天寒氣鴈呼霜憑高自歎乾坤窄笑指腰間  
劍刃鉞

毛伯溫

伯溫征安南島人咏萍諷之曰錦鱗密密不容針  
帶葉連根不計深常與白雲爭水面豈容明月墜  
波心千層浪打誠難破萬陣風顛永不沉多少魚

龍藏裏面太公無計下鈎尋伯溫次韻和曰隨田  
逐水冒秧針到底原來種不深空有根來空有葉  
敢生枝節敢生心寧知聚處還知散但識浮時那  
識沉頃刻中天風色惡掃歸湖海竟無尋伯溫復  
宣布朝廷威德安南卒歸地降世宗嘉之進太子  
太保

字汝厲吉水人嘉靖進士官兵部尚書謚襄懋

朱源

字本深贛耆儒也飭躬篤行教授閭里王陽明鎮

虔禮重之常命率所教童子入射圃歌詩演禮壽  
踰九十郡邑雅敬其品歲與賓席嘗自署門帖云  
儒書頗讀四五卷鄉飲會叨三十年